

Vanskil.

Ef lánþegi greiðir ekki afborgun á réttum tíma og hefur ekki samið við sjóðinn um greiðslu, sendir sjóðurinn hana til lögfræðings í innheimtu. Ef lánþegi gerir enn ekki skil, er sjóðnum heimilt að gjaldfella alla skuldina og innheimta hana með hæstu leyfilegu dráttarvöxtum.

Menntamálaráðuneytið, 3. júní 1992.

F. h. r.

Árni Gunnarsson.

Þorsteinn Gunnarsson.

10. júní 1992

Nr. 213

REGLUGERÐ

um sérstaka fyrirframgreiðslu opinberra fjárfestingarlánasjóða á árinu 1992.

1. gr.

Á árinu 1992 skulu opinberir fjárfestingarlánasjóðir, sem skattskyldir eru samkvæmt lögum nr. 48/1992, um breyting á lögum nr. 65/1982, um skattskyldu innlánsstofnana, með síðari breytingum, greiða sérstaka fyrirframgreiðslu þinggjalda vegna væntanlegrar álagningar skatta á árinu 1993.

Fyrirframgreiðsla samkvæmt 1. mgr. kemur í stað fyrirframgreiðslu samkvæmt 110. gr. laga nr. 75/1981, um tekjuskatt og eignarskatt, með síðari breytingum.

2. gr.

Fyrir 1. júlí 1992, skulu skattskyldir aðilar, sbr. 1. gr., skila ótilkvaddir ársreikningi vegna rekstrarársins 1991, til skattstjórans í viðkomandi umdæmi. Með ársreikningnum skal fylgja greinargerð um hagnað ársins 1991, sem skal vera í samræmi við ársreikninginn og ákvarðaður í samræmi við góða reikningsskilavenju.

Í greinargerðinni skal koma fram eftirfarandi:

1. Nafn skattaðila
2. Kennitala skattaðila
3. Heimilsfang skattaðila
4. Upplýsingar um hagnað ársins 1991, sbr. 1. mgr.
5. Áritun löggilts endurskoðanda um að hagnaðurinn sé ákvarðaður í samræmi við góða reikningsskilavenju.

3. gr.

Fyrirframgreiðslan skal nema 20 % af hagnaði ársins 1991.

Skattstjóri skal ákveða fyrirframgreiðslu og skal gjaldanda tilkynnt um hana og greiðslumáta hennar.

4. gr.

Fyrirframgreiðsla samkvæmt 3. gr. skal innt af hendi á tímabilunum ágúst til desember 1992, með fimm jöfnum greiðslum. Gjaldalagi fyrirframgreiðslunnar er 15. dagur hvers mánaðar og eindagi er 10 dögum síðar.

Fyrirframgreiðslan skal ganga upp í álagningu á árinu 1993 vegna tekna ársins 1992.

5. gr.

Heimilt er gjaldanda að sækja um lækkun á þeirri fjárhæð þinggjalda sem honum hefur verið gert að greiða fram að álagningu 1993, ef sýnt þykir fram á að fyrirframgreiðsla samkvæmt 3. gr. muni gefa alranga mynd af væntanlegri álagningu tekju- og eignarskatts vegna rekstrarársins 1992.

Umsókn um slíka lækkun skal senda skattstjóra er úrskurðar um lækkun greiðsluskyldunnar.

Skattstjóri skal tilkynna gjaldanda ákvörðun sína og ef fallist er á umsókn gjaldanda um lækkun skal niðurstaðan einnig tilkynnt innheimtuaðila.

6. gr.

Ákvæði laga nr. 75/1981, um tekjuskatt og eignarskatt, með síðari breytingum, að því er varðar vanskil, viðurlög vegna vanskila, könnun á skilum, ákvörðun skila vegna vanrækslu eða vanskila á greinargerð, greiðsluskrár, kærufresti, úrskurði á kærum og áfrýjun þeirra, skulu gilda um fyrirframgreiðslu samkvæmt ákvæðum reglugerðar þessarar, eftir því sem við getur átt.

7. gr.

Reglugerð þessi sem sett er samkvæmt heimild í 10. gr. laga nr. 48/1992, um breyting á lögum nr. 65/1982, um skattskyldu innlánsstofnana, með síðari breytingum öðlast þegar gildi.

Fjármálaráðuneytið, 10. júní 1992.

F. h. r.

Indriði H. Þorláksson.

Áslaug Guðjónsdóttir.

REGLUGERÐ

um breyting á reglugerð nr. 261/1991 um tollverð notaðra ökutækja.

1. gr.

Við 3. mgr. 4. gr. reglugerðarinnar bætist svohljóðandi setning: Þó skal heimilt ef dagsetning fyrstu skráningar ökutækis erlendis kemur ekki fram í skráningarskírteini þess og ekki er unnt að fá opinbera staðfestingu á fyrsta skráningardegi, að telja upphaf fyrningar frá 1. júlí þess árs sem er af framleiðanda yfirlýst árgerðarár.

2. gr.

Reglugerð þessi er sett samkvæmt heimild í 12. gr. tollalaga nr. 55/1987 sbr. 5. gr. laga nr. 96/1987 um breyting á þeim lögum til að öðlast gildi þegar í stað.

Fjármálaráðuneytið, 10. júní 1992.

F. h. r.

Indriði H. Þorláksson.

Rúna S. Geirsdóttir.